

THESES INAUGURALES MEDICÆ MISCELLANÆ,

QUAS

ANNUENTE DIVINO NUMINE,
Ex Decreto Gratiossæ Facultatis Medicæ,

P R Æ S I D E

VIRO Nobilissimo, Amplissimo, Excellentissimo atque
Experientissimo,

DNO. RUDOLPHO JACOBO
CAMERARIO,

Phil. & Med. D. hujusq; Professore Publ.
Ordinario, Facultatis h. t. Decano,

Domino Patrono & Præceptore submissè colendo,

Pro Licentia

Honores & Privilegia Doctoralia rite obtinendi

In Aula Nova

d. 14. Aug. MDCCXV.

Solenni Eruditorum Examini exponit

ULRICUS ZELLER, Physicus Bahlingensis.

Literis Joh. Conradi Reisl.

PARENTI OPTIMO

V I R O

PLURIMUM REVERENDO atque DIGNISSIMO

DNO. JOH. PHILIPPO
ZELLERO,

Dioeceseos Bœblingensis Superrattendenti Speciali
Meritissimo,

filiali observantia semper colendo,
publicas,

pro innumeris in se collatis beneficiis,
gratias agit,

eoque nomine hoc, quaecunque,
publicum tamen monumentum ponit,

ejusque Paterno amoris, qua par est, submissione,
ulterius sese commendat

filius ad obsequia quævis paratissimus

ULRICUS ZELLER



Multa videntur & non sunt, multa sunt, & non videntur. Frequens hoc evenit, uti in aliis, ita cum primis in re Medica, iis præsertim, qui speciosis Systematum commentis imbuti, infirmis eorundem fundamentis fragilia superstruunt conclusionum ædificia. Sic fallimur ipsi, fallimusque alios, dum inanem auram captamus, canique Aesopico similes vanam incertissimæ præjudicatæque theoriæ umbram reali rationalique experientiæ præferimus. Constitui mecum in præsentia, ubi virium tentamen mihi subeundum est publicum, paucos modo, sed tritiores ex multis ejusmodi erroribus seligere, eorumque examen suscipere: faxit Deus feliciter!

Thes. I.

MArs in substantia sua & præparatis jam à longa annorum serie visceralis obstructionumque reserator habitus est: scilicet nondum sufficere videbatur torquendis ægrotantibus infinita medicamentorum farra, nisi ferro adhuc in eorum viscera sæviretur. Videamus è quibus constet ferreus hic morborum debellator, quomodo agat & quid patiatur, è quibus cognitis facili negotio inclarescet, quid de illo promittere nobis possimus, quid timere debeamus. Constat autem ferrum ex terra metallica specifica, & oleo seu sulphure quodam inflam-

A 2 mabi-

mabili, uti id ex ipsius analysi synthetique clarum est. Acidum, quod in eo deprehenditur, sitne de ipsius essentia, an vero peregrinum sensim sensimque interstitiis ejusdem sese insinuet, adhuc sub judice lis est: transeat modo hoc, à me hic loci non examinandum; certum interim est, acidum ferri destructorem esse, in tantum sc. pro usu, rubiginis, quam contrahit, testimonio, quoque melius ferrum, eò minus acidi continere. Terra isthæc oleumque vinculis non admodum arctis cohærent, unde Mars admodum solubilis est, porosque suos à varii generis salibus referari patitur, acido etiam levi obtemperans; perit autem isthæc ad solutionem proclivitas, quamprimum oleum avolat, unde patet, merito exulare debere ferri talia præparata, quæ oleo suo vel in totum vel certe maximam partem spoliata, & per consequens ad solutionem inepta, quia, qualia intrarant, sine mutatione, ventriculi intestinorumque peristaltico motu rursus extruduntur. Contingit autem olei isthæc à metallo suo separatio cum ingenti impetu, uti id experimenta Lemeriana circa fulminationem in liquido, & terræ motum arte producendum, abunde testantur, qui impetus à violenta durissimarum acidi molecularum cum oleosis collisione, fortique metallicarum particularum renixu oriundus, ante exacte consummatam solutionem, non cessat. Quam primum autem Mars oleum suum perdidit, solutilis ulterius non est, nec ulli acido cedit, hinc chalybs non nisi difficulter, & autem croci calcesque prorsus non resolvuntur. Unde colligitur, intra corpus assumpti processum integrum hunc esse: 1. Martis limatura ob pondus suum ventriculi & intestinorum peristaltico motui plusquam alia assumpta resistit, & pro varia hujus vi plus minusve in iisdem commoratur, adeoque occasionem præbet spiculis salinis sese penetrandi atque resolvendi, qui primus usus absorbendi sco-

po magni æstimandus est. 2.) Mars à salibus, si quæ offerat, (uti quidem cacochymix acidæ potius convenit, quam cuicunque alteri) dissolvi incipiens, oleum suum cum vi impetuque dimittit, quod non solum molecularum suarum in fumum atque adeo minutissima corpuscula resolutarum figura sanguini tenuando aptissimum, verum etiam peregrino impetu activius redditum, in parvulos lacteorum vasculorum hiatus irrumpit, & hinc in M. S. deductum, ipsam vel attenuando materialiter, vel movendo formaliter obstructions referat, quod in cachecticis, præcipue autem chloroticis ita evenire, genarum mox post assumptum ♂ phlogoseon instar profiliens rubor aperte evincit. 3. quæ reliqua est ♂ pars metallica, resolvi ulterius nescia, dicto motu peristaltico sensim sensimque promovetur, cumque moleculis constet, quarum diameter illâ hiatus vasorum lacteorum ut plurimum major est, illa non subit, sed una cum alvi fecibus pergit, easque undique pervadens nigro colore tingit, evidenti argumento, quod lacteorum minutula orificia vel plane non, vel in dosi admodum parca subire potuerit. Unde sequentes emanant conclusiones: 1.) ♂ inter absorbentia quidem excellit. 2.) ad referandas obstructions eadem præstat, quæ alias a Æreis, resinosis, spirituosissimis expectantur, idque eo magis, quod olei sui ἐνέργεια à liquore ventriculi non debilitatur, sed potius ab eodem per solutionem excitatur. 3.) visceralis tamen non est, nisi per accidens, quatenus sc. obstruentem sanguinem (qui vasculorum parietes dilataverat, adeoque eorum tonum labefactaverat) tenuat & in motum ciet, atque ita vasorum fibris libertatem reddit sensim sensimque sese rursus constringendi. Unde 4.) rhachiticis hydropicisque consummatis parum auxilii præstat, quum in iisdem membranæ vasculorum, lacteorum præsertim & lymphaticorum, a liquore conten-

to nimis jam distentæ sint, quam ut adeo facile pristinum
 tonum recuperare queant. 5.) quod si forte fortuna, hian-
 tibus nempe p. n. lacteorum orificiis, metallicæ quædam
 intrârint moleculæ, id ipsum malo omine, & pejore ad-
 hue eventu contigisse crediderim, quum metallica ista
 corpuscula non solum rigiditate sua & figura in teneros ca-
 naliculorum parietes impingendo, eos disrumpere, verum
 etiam mole sua & magnitudine (præprimis, si plura sen-
 sim sensimque sibi invicem agglutinentur) loco reseratio-
 nis desideratæ, obstructionem producere possint irrefera-
 bilem. Imo, quid si hac ratione tentare quis ausit celebre
 illud in morbis, quos magicos vocant, symptoma, si sc.
 non præstigiis res agitur, sed corpora ferrea in vasis vel va-
 forum interstitiis reperiantur, dicendo, quod moleculæ
 ferreæ plurimæ vel Cartesiano appulsu, vel Newtoniana
 attractione, quorum utrumque in minimis maximum est,
 accedente insuper lymphæ sanguinisque glutine sibi invi-
 cem superpositæ, corpora istiusmodi constituent? verum
 hæc *ὡς ἐν παρόδῳ*. 6.) quia potissima ♂ virtus in ipsius. ♀ con-
 sistit, croci autem eodem vel prorsus orbati sunt, vel pau-
 co dotati, & ad solutionem inepti, facile patet, ferri lima-
 turam simplicem talibus, utut specioso aperientium titulo
 superbiant, crocis præferendam esse, & post hanc in or-
 dine æstimandas illas ferri præparationes, quæ maximam
 olei partem conservant, reliquas tanquam inutiles pro sco-
 po de obstruendi aut etiam noxias è materia medica rele-
 gandas. Ferro quidem Chalybis limaturam aliqui prætu-
 lerunt: & videri posset hic de sulphure plus participare,
 quia cum inflammabilibus paratur, & scintillas cum silice
 sibi excuti patitur; verum quia difficilius ferro solvitur ab
 acidis, vix erit æque *κατ' ἀνθρώπων*. 7.) Denique nec liquidæ
 martialium formulæ, tam vitriolum purum, tincturæ &c.
 quam acidulæ ferruginæ, atramentosæ sua laude carent,
 juxta

juxta prudentiam practicam pro conditione causarum & subjectorum suum cuique tribuendo, uti celebriores rariorum apud nos harum Scriptores longo usu didicerunt, seu experti docuerunt.

Thef. II.

Succedat $\frac{1}{2}$, ex ejusque præparatis diaphoreticum minerale, quod sudoris provocatorium, absorbens, imo à quibusdam alexipharmacum habitum fuit, uti jam dum bezoardicum minerale audit calx antimonij consimilis. Quod, quam parum cum veritate conveniat, ex medicamentij hujus præparatione, diversaque ad diversa corpora habitudine patet. Præparatio notior est, quam ut multa expositione egeat, sufficiat dicere, quod dictum medicamentum sit calx $\frac{1}{2}$ nii, acido plane orba; cui an & quantum de nitri terra accesserit, adhuc determinandum erit. Acido ante calcinationem suam scatuerat copioso, sed ignis actione omnem ad acidum habitudinem amisit, quod secundum Dn. Lemery observationes tr. d. Antim. pag. 616. cum aliqua differentia multoties expertus sum. Antimonium enim diaphoreticum bene edulcatum neque cum $\frac{1}{2}$ to, neque cum Ω nitri, neque cum Ω salis ullam vel ebullitionem vel calorem perpeffum est, cum \circ vitrioli sine ebullitione tantillum incaluit, in digestionem positum cum distis acidis omnibus ullam ulteriorem mutationem non dedit, quod, quantum cum supposita absorbendi virtute pugnet, sole meridiano clarius est. Diaphoretica vis quo titulo ipsi ascribatur, dictu admodum facile non est. Diaphoretica enim omnia vel materialiter talia sunt, vel formaliter, i. e. vel materiam seu humiditatem suppeditant per diaphoresin excernendam, vel sanguinem majorem in motum cient, ejusque serum hoc modo expellunt. Priori modo $\frac{1}{2}$ diaph. sudoriferum non esse, quilibet videt; neque

neque secundo, id quod exinde probatur, quod ullam in ventriculo ejusque contentis mutationem pati recuset, adeoque dissolvi & consequenter in lactea ipsumque sanguinem propelli nequeat; ut probandum maneat Chymicis, quomodo ex specifici hujus metalli calce meliora velint vel possint potius deducere. Neque etiam experientiae ejusmodi sunt, quæ de ipsius diaphoretica virtute nos penitus convincant; nunquam ego in ulla ex ijs, quos hoc in negotio feci, observationibus ab ½ diaph. solo exhibito, sine adjuvento caloris vel motus externi, sudorem potui deprehendere, verum non infrequenter nauseas, vomitiones, imò ipsos vomitus, pro doseos sc. ægrique virium differentia. Neque id mirum videri debet, si consideremus, quam facili negotio in regulum sese reduci patiatur; quanquam insipidus ita pulvis stomacho impuro, infirmo, simplicius etiam nauseæ esse possit. Quod alexipharmacam ejus virtutem attinet, ex dictis per se cadit, nisi eam admittere velimus per accidens talem, quatenus sc. vomitum excitando venenum in ventriculo stabulans eliminare posset, quo quidem sensu ½nij regulus, vitrum, aliaque ejus præparata plenius emetica multum ἀλεξ. φαρμακώτερα forent: quam parum autem hoc sufficiat, pro stabilienda virtute alexipharmaca, in aprico est, quum alexipharmaca hætenus nota sanguinem nostrum vel spissum & quadantenus coagulatum resolvendo, vel tenuem nimis & dissolutum inspissando, agere credantur, quod an de ½ diaph. pronunciari queat, ex dictis æquus judicet lector.

Thes. III.

Manu hic quasi ducor ad perstringenda leviter alexipharmaca, quo nomine insigniri solent medicamenta, quæ morborum ita dictæ malignitati opponuntur. Quid sit malignitas, multis hic disquirere animus non est: causa ejus

com-

(9.)
communiter adscribitur acido vel fixo, sanguinem quodammodo coagulanti, vel volatili & in urinosum converso, eundem solventi. Posset hic, & forsan non sine ratione deberet haberi respectus ad viscera, quæ à sanguine vel multo pissoque, vel ab urinosis dissoluto, furente, admodum labectata, vel insigni obstructione syncopticè, vel vasorum suorum diæresi & subsequente hæmorrhagia interna lipothymicè, subita status apparenter boni in malum conversione, immedicabili ut plurimum fato, repentina morte jugulant. Cuicunque autem ex enumeratis causis alexipharmaca hætenus usualia opponamus, manifestum est, hac ratione genuino modo ipsis obviam non iri. Ex alexipharmacis enim 1.) Urinosa vel sanguini jamjam furibundo calcar addunt, ejusque vim vasa dilatandi, erodendi, perrumpendi adaugent, vel eidem multo, spisso, obstructu, orgasmum & plethoram ad vasa adjungunt; adde quod serum sanguinis violentia nimis præcipiti expellant, sanguinemque hoc modo fluido suo depauperando, obstructionibus atque inflammationibus internis, non remedium, sed augmentum fiant. 2.) Terreæ, absorbentia, absorbendi præcipitandique virtute suas peragunt operationes, idque in primis viis, ultra quas vix ac ne vix quidem progrediuntur; at malignitatis causa ut plurimum in primis viis non hæret: accedit, quod virtus eorundem leniter diaphoretica anceps admodum sit, & nondum sufficienter probata, qua quidem sola ad eliminandum malignitatis virus contribuere aliquid possent. 3.) Alexipharmaca strictè dicta, calida, quæ partibus suis sulphureis, resinosis, sanguinem majorem in motum agunt, in casu sanguinis dissoluti adhiberi non debere, in aprico est, non solum ob orgasmum, quem augent, verum etiam ob serum, quod cito nimis absumunt, & per consequens utroque modo fibræ jamjam tensam ulterius intendunt, inque ruptionis
P peri-

periculum adducunt. Sanguis coagulatus, non solum rarissime, ne quid gravius dicam, malignitatis causa observatur, nisi modo supradicto per viscositatem explicari velit, (quanquam hoc ad chronicos potius spectet) verum etiam longè alia resolventia requirit, quam quæ sero educto, grumum relinquant, vel lentè in polypum abeuntem, vel celeriori fato in ulteriorem obstructionem, inflammationem, gangrænam sphacelumque internum, successu lugubri, damnoque nunquam reparando. vid. quæ de regiminis calidi, fortiorumque diaphoreticorum abusu scripserunt seculi nostri lumina Sydenh. & Bagl. Superest 4.) alexipharmacorum classis, Anglis præcipue hodiernis apprime familiaris, acidorum, sc. atque enixorum, quibus utuntur scopo refrigeratorio atque anturinoso, laudabili consilio, nisi spem sæpenumero falleret eventus. Acidis quippe, cum moleculis terreis oleosisque sanguinis nostri intra corpus combinari. motuque continuo atque affricu & comminutione volatilifari, & in urinosa converti solenne est, id quod frequentissime observant, qui scorbuticorum nosocomia visitant, quam facili negotio brevique temporis intervallo scorbutus frigidus in calidum abeat, Medicorumque imperitorum circulos interturbet. Absit tamen, hæc ita dicta sint, quasi acida vel simplicia, vel enixa, aut etiam cum Æreis, resinosis prudenter combinata omni sua laude privare vellemus, quin potius maneat ipsis suus honos, experientia Practicorum confirmatus, quum nec semper adeo longo temporis spatio opus habeant, quod ipsa in statum urinosum deducat, & in transitu operationes suas edere possint: imo quum putredini notoriè resistant, quæ hic intentata est, ex hac etiam ratione proficua erunt. Videntur interim probare hætenus dicta, ab alexipharmacis multa postulari, quæ expectari ab iisdem ex ratiocinii fun

possint nec debeant.

Thef. IV.

Pauca adhuc de \S , qui duplici ex capite hic tractari me-
retur, 1.) qua salivationis auctor habetur 2.) qua nervinus
audit & antepilepticus. Exhiberi solet pro excitando pty-
alismo acidis jam plus minus subactus vel internè, uti sunt
 \S dulcis, Panacea \S &c. vel in unguentis & suffumiga-
tionibus externè. Multi hic sunt, qui ipsum quàm rotundis vo-
lubilibusque moleculis constantem vasa pervadere, visco-
sam lympham dissolvere fluidamque reddere, atque hac
ratione salivationem excitare prætendunt, quod, quam
verè dictum sit, ex sequentibus adnotationibus elucescet.
1.) salivatio procurari potest sine \S , solo, sed largo aquæ
calidæ, infusorum, decoctorum &c. potu, id quod fre-
quentissimè observavi. 2.) istiusmodi salivatio sine gravi-
bus illis ptyalismum \S alem concomitantibus symptomati-
bus, liberè, cum aliquali quidem glandularum salivalium
intumescencia, sed sine dolore, procedit. 3.) ut ipsa \S alis
salivatio ritè procedat, cuilibet notum est, adhiberi solere
usum decoctorum largum & frequentem; etenim \S inter-
dum glandularum quidem intumescenciam apprimè dolo-
rosam, corrosionem, exulcerationem, & ipsum à com-
pressionem suffocationis periculum inducit, ptyalismum au-
tem, i. e. salivæ copiosam & secretionem & excretionem
sub adjutorio isto largius procurat. 4.) quocunque modo \S
in usum vocetur, ut corporis nostri meatus atque canalicu-
los subintrare possit, ab acido ligeretur, necesse est, sique vel
maxime in suffumigationibus purus ac sine acido ingredia-
tur, id quod non plane evidens est, semper tamen cum co-
piofo, quod intus offendit, acido venereo, aliove confor-
tium init, idemque corpus constituit, quod microscopio
conspectum sec. obs. Acad. Reg. Scient. Paris. minutos glo-
bulos spiculis undique armatos obritosque referunt, quæ spi-
cula in vasculorum parietes impingentia, vel velli-
cando.

candoque eadem irritant, motum eorum tonicum intendunt, liquoremque contentum, si fluidus satis sit, promovent, & in iis vasis, quæ canalibus prædita sunt excretoriis, solitam ejus excretionem accelerant. Quod si spicula ista, pro diverso motu, ipsis intra corpus nostrum impresso, à diverso in diversis sanguinis motu, solidarumque vel integro adhuc, vel debilitato, vel p. n. aucto elatere dependente, ad glandulas salivales determinentur, salivationem cæteris paribus procurabunt, vel fieri incipientem incitabunt, facilioremque ac copiosiore reddent. Si vero, motu aliter dirigente, ad vasa sanguive ha vel ossa ablegentur, in illis quidem inflammationes & hæmorrhagias, in istis autem cariem, exostoses &c. nullam vero salivationem inducent. vid. quæ de hac materia scripsit Dn. Lemery Curs. Chym. cap. de Mercurio. Nervinus habetur & antepilepticus in suo composito Cinnabari, qua ex ratione, non admodum liquet. Cinnabaris ab acidis non solvitur, ab alcalibus in ☿ reducitur, neuter status in nervos ullam ipsi actionem virtutemve permittit; spicula acidi ☿ mercurii particulis in ☿ infixa, quantum in reliquis ☿ cum acido præparatis, non prominent, & si tantum prominere, periculum inde pro nervis, si in illos offenderent, timendum potius foret, quam sperandum remedium. Antepileptica esse per accidens possunt ☿ alium plurima, quatenus vermes in primis viis necando, epilepsiæ causam non infrequentem è medio tollunt: an vero Cinnabaris, quæ intimius, quam reliqua ☿ alia, cum acido suo cohæret, idem eademque facilitate præstet, vocari adhuc in controversiam posset. Cinnabaris Antimonii præ naturali & communi facilitia virtutem forsan haberet emeticam, si in satis larga dosi exhiberetur, verum epilepsia & convulsiones à retentis vel assumtis, vomitorioque eliminandis, non solum rariores sunt, verum etiam Cinnabaris ☿ proficua hic non foret, qua Cinnabaris, vel qua de ☿, sed qua de antimonio participans: imo in tali casu alia darentur & promptiora & tutiora remedia.

Tantum.